



សិប្បកម្ម

AWIG-AWIG

ក្រុមប្រឹក្សាភិបាលភូមិ

DESA PAKRAMAN KINTAMANI.

ក្រុមប្រឹក្សាភិបាល

2017.

DAGING AWIG - AWIG.
DESA PAKRAMAN KINTAMANI

	Kaca
Murdha Cita	2
Pratama Sargah, Aran lan Wawidangan, Pawaos, 1,- 3	4
Dwityas Sargah, Petitis lan Pamikukuh, Pawos 2, 3,	6
Trityas Sargah, Sukreta Tata Pakraman	8
• Palet, 1, Pawos, 3 - 6 Indik Krama Pawaos 7- 9 Tategenan Miwah Swa Dharma Krama Desa	12
• Palet, 2, Prajuru, Dulun Desa, Sukretan Desa, Pakraman Kintamani, Pawos 10 - 14	18
• Palet, 3, Indik Kukul, Pawos, 15 - 16	30
• Palet, 4, Indik Paruman, Pawos, 17 - 19	32
• Palet, 5, Indik Druwen Desa, Pawos 20 - 21	36
• Palet, 6, Indik Panyanggra Banjar, Pawos, 22	42
Catur Tas Sargah, Sukreta Tata Agama,	44
• Palet, 1 Indik Déwa Yadnya, Pawos 23	
Pawos, 24 Indik Ngadegang Pamangku	48
Pawos, 25, Swadharmaning Pemangku	50
Pawos 26, Ngentosin Pemangku	52
Pawos 27, 28 Sukretan Kahyangan lan Nunas Tirta	52
• Palet 2, Indik Resi Yadnya, Pawos 30	58

• Palet, 3 Indik Pitra Yadnya, Pawos 31, lan 32	60
Pawos, 33, - 35 Indik Kacuntakan	70
• Palet, 4, Indik Manusa Yadnya, Pawos 36	76.
• Palet, 5 Indik Bhuta Yadnya, Pawos 37, - 38,	78
Pancamas Sargah, Sukreta Tata Pawongan	86
• Palet, 1, Indik Pawiwahan, Pawos 39, - 41	
• Palet, 2 Indik Nyapyan, 42,-, 44	92
• Palet, 3 Indik Sentana Pawos 45, - 47	94 *
• Palet, 4 Indik Warisan. Pawos 48, - 51	100
Sad Sargah.ꦱꦸꦏꦫꦺꦠꦠꦏꦠꦤ꧀ꦥꦤ꧀ꦩꦤ꧀	108
• Palet, 1, Indik Bhaya Pawos 52, - 53	
• Palet, 2, Indik Karang lan Tegal, Pawos 54, - 55,	110
• Palet, 3, Indik Pepayonan, Pawos 56	112
• Palet, 4, Indik Wawalungan, Pawos 57	114
• Palet, 5, Indik Wawangunan, Pawos, 58	116
•	
Saptamas Sargah, Wicara lan Pamidandha	118
• Palet, 1, Indik Wicara, Pawos 59, - 60	
• Palet, 2, Indik Pamidandha, Pawos, 61, 62	120
Astamas Sargah, Nguwah-nguwuhin Awig-Awig Pawos 61 - 65	126
Namawas Sargah, Samapta, Pawos 66, - 67	128

•••

MURDHA CITTA

OM AWIGHNAMASTU NAMO SIDDHAM

Malarapan saking panghyangning Ida Sang Hyang Widhi Wasa, asung kertha wara nugraha ngawentenang kahuripan sekala niskala, ring bhuana agung lan bhuana alit. Manut Dresta Sima desa Pakraman Kintamani wantah pawakan pasayuban karma desa rawuhing kula warga pawongania. Desane kamanggehang Bhuana Agung, pawongan sowang-sowang pinaka Bhuana Alit.

Sotaning Bhuana Agung, Desane wantah pawakan Bhuana maurip jangkep saha Tri Hita Karanaia Luwire :

- ha. Parahyangan, Sahananing Kahyangan sane wenten ring wewidangan Desa Pakraman Kintamani, akehnyane 22 Palebahan, Pinaka Panyiwian Desa, genah ngarcana Ida Sang Hyang Widhi Wasa mak Jiwatman Desane (Antah Karana Sarira).
- na. Pawongan, inggih ipun Krama Desa saha Warga Desa maka sami mapawakan Bayu Pramana, awinan Desane sida molah maprawerthi (Suksma Sarira).
- ca. Palemahan inggih ipun tanah kakuwuban Desa sinanggeh Angganing/Stula Sarira Desa Pakraman Kintamani.

Adung patemon Bhuana Kalih, larapan santa-Jagathita, sinanggeh murdaning prayojana pangriptaning awig-awig Desa Pakraman Kintamani ring paseban mamikrama Desa Pakraman Kintamani.

Pinaka sepat siku-siku pamatut, wastu prasida prayojanan mamikabeh, prasama angidep muwah amagehaken kadi liggning awig-awig iki.

OM SANTI, SANTI, SANTI OM



PRATAMA SARGAH.

4

PRATHAMAS SARGAH
ARAN LAN WEWIDANGAN DESA

PAWOS I

1. Desa Pakraman Puniki mawasta Desa Pakraman Kintamani.

2. Jebar Kakuwub wewidangan mawasta nyatur :
Ha. Sisi Wetan Kayehan Kidang/Desa Pakraman Batur
Na. Sisi Kulon Desa Pakraman *Serai lan Bukih*
Ca. Sisi Lor Desa Pakraman Sukawana
Ra. Sisi Kidul Desa Pakraman Bayung Gede

3. Desa puniki kawangun antuk karang desa miwah tegal ayahan desa, utawi gebogan krama turmaning kepeah dados 6 (nenem) Banjar Sukha Duhka, luwire :

Ha. Banjar Surakarma
Na. Banjar Wiradharme
Ca. Banjar Jayamaruti
Ra. Banjar Wanasari
Ka. Banjar Wanaprasta
Da. Banjar Wanagiri



DWITYAS SARGAH.

DWITYAS SARGAH
PATITIS LAN PAMIKUKUH

PAWOS 2.

Desa Pakraman Kintamani ngamanggehang pamikukuh minakadi :

- Ha. Pancasila
- Na. Undang - Undang Dasar 1945
- Ca. Tri Hita karana manut Sad Acara agama Hindu

PAWOS 3

Luwir patitis Desa Pakraman Kintamani :

- Ha. Ngukuhang miwah ngerajegang Agama Hindu
- Ca. Nginggilang tata prawertining Magama Hindu
- Ra. Ngrajegang kasukretan Desa saha pawongan sekala niskala

☸☸☸

TRITYAS SARGAH.

TRITIYA SARGAH
SUKERTA TATA PAKRAMAN

PALET 1

INDIK KRAMA

PAWOS 4

- 1. Sane kabawos Krama Desa inggih punika Kulawarga sane Maagama Hindu, saha Ngemong Kahyangan sami.
- 2. Sajaba punika sinanggeh tamiu, sane kabinayang dados 2 (kalih). Inggih punika :

- Ha. Sane Maagama Hindu
- Na. Sewosan ring Maagama Hindu

PAWOS 5

Krama Desa Pakraman Kintamani wenten 3 (tigang soroh), luwire :

- 1. Krama Ngarep, inggih punika krama wed utawi pangrawuh saking desa sewosan, sampun ajeg pawiwahania, tur dados munggah ring Ulu Apad :
- 2. Krama Ngarep luwire :
 - Ha. Krama sane kantun ngarep ring banjar, sakewanten tan dados munggah ring Ulu apad.
 - Na. Krama panyada, inggih punika krama sane durung mapakuren utawi ngantos ayah krama ngarep sane kadadosang seka truna truni ring desa.
- 3. Krama balu, inggih punika krama ngarep utawi ngarep silih tunggil lanang utawi istrine lina wyadin nyapian
Krama balu inucap kabinayang dados, 2 (kalih) inggih punika :

..

sm

u

- Ha. Balu makrambèn, inggih ipun krama balu sane maduwe sentana dereng marabiyen
- Na. Balu ngelisting, inggih punika krama Balu tan Pasantana.

PAWOS 6

1. Ngawit Dados Krama Desa :
 - Ha. Sangkaning ngamong karang Desa
 - Na. Sangkaning Jenek ring Desa.
 - Ca. Mawiwit Pawiwahan
 - Ra. Saking Nyepih/Numbas, ngwaris, ngidih PKD lan sapenunggulannyane .
 - Ka. Sangkaning pinunas ngeraga nanging kacumpuin olih 10arma miwah prajuru.

2. Panemaya Tedun Makrama, Luwire :
 - Ha. Sampun mawiwaha, sampun puput papradangan, *sampun naur panepak kulkul ring banjar, naur Parebuan ring desa*, polih galah apasangkaan (Anggarakasih Julungwangi, utawi Tumpek Uye)
 - Na. Warga sane pacing tedun makrama mangda atur supeksa/nguningayang ring Bendesa/Prajuru Desa, mangda kaunggahang ring cakepan Desa Pakraman
 - Ca. Marep krama anyar, Bendesa/Prajuru desa raris ngicenin galah ring dija ipun jagi ngeranjing mabanjar suka duka, selanturnyane Bendesa/Prajuru Desa ngunggahang warga inucap ring silih tunggil sekaa manut kawigunan/ kawikananipun

PAWOS 7.

PAWOS 7

TATEGENAN MIWAH SWADHARMA KRAMA DESA PAKRAMAN

1. Tategenan/Swadharmaning Krama *Ngarep Ulu Apad* Luwire :
 - Ha. Keni urunan mamungkul
 - Na. Keni ayah-ayahan ring sajeroning Parahyangan, pinaka mangggala ngamargiang Upakara upacara ring Parahyangan Desa Pakraman Kintamani
 - Ca. Nyangkepeng Purnama, Tilem, Anggara Kasih, Wrehaspati Kliwon.
 - Ra. Paduluan(saing kutus) luput papeson..
 - Ka. Krama Hulu Apad langkungan ring yusa 65 warsa, luput urunan.
 - Da. Tategenan sewosan manut paruman desa.
 - Ta. Ngamargiang swadarmaning Ulu Apad.
 - Sa. Tategenan sewosan manut pararem.

2. Tategenan/Swadharmaning Krama *Ngarep Ulu Apad* Luwire :
 - Ha. Keni urunan mamungkul
 - Na. Keni ayah-ayahan ring silih tunggil sekaa manut pituduh prajuru desa.
 - Ca. Tategenan sewosan manut pararem.

3. Tategenan Swadharmaning krama Balu Makrambian, luwire :
 - Ha. Sane Maduwe santana lanang sampun mayusa 17 tiban keni ayahan lanang.
Sane maduwe santana istri sampun mayusa 17 tiban keni ayahan istri.
 - Na. Keni urunan mamungkul
 - Ca. Tategenan sewosan manut pararem

4. Tategenan/swadharmaning krama Balu Ngelesting
 - Ha. Balu ngelisting sane lanang keni ayahan lanang, sane istri ngemargiang swadharmania
 - Na. Urunan luput

15/10

15/10

- Ca. Tategenan sewosan manut pararem
5. Krama balu lanang keni urunan 50%, luput papeson.
 6. Krama balu istri keni papeson urunan luput.
 7. Tategenan/swadharma ning karma pangele, lwire :
 - Ha. Keni ayah-ayahan ngeromba krama ngarep rikala ngemargiang swa dharmania.
 - Na. Pamekas rikala ngemargiang wali ring parahyangan.
 - Ca. Swadharmaning lianan manut pararem.
 8. Krama Desa Pakraman kadadosang :
 - Ha. Mapuankid utawi tan tedun rikanjekan :
 - Rikala sungkan,
 - Rikala sungkan rahat,
 - Maduwe kelayu sekaran,
 - Sedek wenten ring dura desa/malelungayan, bilih bilih wenten parindikan sane mabwat,
 - Sedek ngawitin makarya kubu utawi paumahan.
 - Sedek ngwangunYadnya.
 - Parindikan sewosan manut pararem.
 - Na. Nyada mapiteges lepas ayah risampun tan mresidayang makarya, utawi mayusa 65 warsa.
 - Ca. Mopog. ngetut wyadin nutug ayah saha papeson antuk brana, jinah, manut pararem majeng ring krama sane wenten ring tiosan desa, utawi sangkaning kasudi antuk sang mawang rat (Pemerintah/dados PNS).
 - Ra. Panyeledihi nyada utawi nyuksukin ayah risampune mayusa, 21, tiban utawi sampun awiwaha.

PAWOS 8.

Kapatut Krama Tamiu :

- Ha. Krama tamiu patut madana punia ring desa pakraman utawi ring banjar manut pararem
- Na. Krama tamiu sane nenten sareng ngempon kahyangan lan setra ring Desa Pakraman Kintamani, sakewanten meneng utawi numbas pakarangan ring wewidangan Desa pakraman Kintamani patut naur jinah pangampel *magung arta 5 kg beras, nangken sasih Kasanga*
- Ca. Krama *tamiu* patut polih patus marupa pitulung rikalaning katiben panca Bhaya

PAWOS 9.

1. Panemaya wusan makrama Desa , luire :

- Ha. Sangkaning pinunas ngeraga, menawi kesah ka dura desa, utawi nglangkungin segara.
- Na. Pianaknyane sampun sami mapikuren
- Ca. Silih tunggil putunnyaane sampun mapikuren
- Ra. Sang sane sampun nyada prade awiwaha malih, wenang ngawitin makrama
- Ka. Kanorayang duaning sampun tan prasida ngehehin parisolah maprawerti stata mamurung kecaping awig-awig
- Da. Wusan makrama desa mapiteges wusan makrama banjar, utawi wusan makrama desa, mangda nenten kabawos empak ngelanting.
- Ta. Krama sane tan pasentana (kepuḍ tur krama sane pyanaknyane sampun telas mapikuren samaliha tan wenten sane ngerobang nyada sesampune mayusa 65 warsa.
- Sa. Yening tan pasantana nyada mayusa 70 warsa.

2. Sang Wusan Makrama.

Ha. Tan polih pahpahan druwen desa utawi druwen banjar, sajawaning pah-pahan padruwen ring sekaa manut pararem.

Na Tan polih pasayuban sajeroning hala ayu

Ca. Krama sane sampun nyada (walaka, Paduluan, lan Pamangku) tan kalugra munggah tedun ring palinggih, sakewanten prade nyeledi patedunan kangkat, nanging pakaryan sane ring sor kemaon (mebat, makarya katik sate, miwah sane lianan), taler tan kangkat munggah tedun ring bale pegat, bale agung lan pamaruman.

Ra. Prade sangkaning rahayu, polih lekita bukti patilar saking prajuru desa.

PALET 2

PRAJURU, DULUN DESA, SUKERTAN
DESA PAKRAMAN KINTAMANI

PAWOS 10

1. Desa Pakraman Kintamani kaenter antuk Bendesa Pakraman.
2. Banjar kaenter antuk klian banjar
3. Sekaa kaenter antuk klian sekaa
4. Krama Ulu apad kaenter antuk *Klian Pakraman Ulu Apad/Bendesa Desa Pakraman*
5. Bendesa, Klian Banjar, Klian Sekaa, Klian Pakraman sepatutnyane :
 - Ha. Mawiwit saking krama ngarep
 - Na. Tata cara ngadegang prajuru inucap (No : 1 – 5) inggih ipun :
 - Malarapan antuk pamilihan nganutin demokrasi (kapilih oleh krama/KK)

- Prajuru ring ajeng kagentosin nyambran 5 (limang) warsa, tur dados kapilih malih prade kantun kacumpuin olih krama, sajawaning wenten pariindikan tios.

- Ca. Bendesa sane mawiwit saking krama tan Ulu apad patut munggah ring cacakan krama Ulu apad,salami dane ngayah ring Bendesa
- Ra. Krama sane jagi ngayah ring bendesa patut sampun munggah makrama Desa salami 10 (dasa) Warsa
- Ka. Maduluran piuning ring Khayangan Tiga
- Da. Mangda polih pawintenan, Prabeya saking krama desa.

PAWOS 11

1. Bendesa Kasanggra antuk :

Ha. Patajuh utawi Pangliman pinaka wakilnyane, sane mawiwit saking : Klian Banjar, Kelian Sekaa.

Na. Juru Tulis pinaka juru surat .

Ca. Patengen utawi juru raksa pinaka pangemong druwen desa.

Ra. Pamucuking Parahyangan, Pamucuking Pawongan. Pamucuking Palemahan. Pamucuking Teruna teruni

Ka. Kasinoman

Da. Pawijian/Ugra Wakia/Pangenter acara

Ta. Angganing Sukertan Desa

Sa. Prajuru ngadegang Panglingsir/Pamucuk sinanggeh sukerta desa, sane mawiwit saking Prajuru lepas, sang wikan ring pamargin dresta lan daging agama

Wa. Pamucuking LPD

La Pamucuking lianan sane mabuat manut pararem

Ma Prajuru sane sampun Nyada nenten malih ngamong ayah Prajuru

2. Sajroning ngenterang kasukertan niskala Bendesa misinggihang Dulun Desa/Paduluan, saha pamangku yan prade kasaratang olih paduluan.
3. Bendesa patut nincapang kaweruhan ring sajroning sulur sanghyang aji Agama miwah sima/dresta sane sampun ketah kasungkemin ring sajabag Desa Pakraman Kintamani.
4. Bendesa lan Prajuru lianan tan Ceda Angga, tan ceda Buddhi, lan sapanunggalnia, saha tan kapialang olih uger-uger panegaran.

PAWOS 12.

1. Swadharmaning Bendesa, Luwire :

Ha. Ngamargiang sadaging awig-awig miwah pararem Desa

Na. Nuntun tur ngenterang krama rawuhin warga desa rikala ngupadi nganutin patitis

Ca. Maosin kalih nimbakang pamutus marep ring wicara warga desa

Ra. Pinaka duta matemwang bawos ring sang sapa sira ugi.

Ka. Ngupasaksi rikala warga desa madruwe Upacara Panca Yadnya

2. Swadharmaning Juru Tulis luwire:

Ha. Juru surat rikala Bendesa ngawentenang peparuman.

Na. Nyurat sahananing paindikan sane wenten paiketan ring pamargin -pamargi sane rumaket ring kaprajuruan.

Ca. Nyuratin Prajuru rikala jagi parum.

Ra. Swadharma lianan manut daging paruman.

3. Swadharmaning Patengen/Juru Raksa, luwire :

Ha. Ngraksa sahananing druwen desa mangda becik, nenten ical, lamakane prasida Kaangen ngupapira Parahyangan lan ngamargiang upacara.

- Na. Ngamedalang druwen desa rikala kasaratang manut daging pararem, mangdane pamargin wewangunan, upacara lan pamargin lianan antar tur labda karya.
- Ca. Swadharma lianan manut pararem.
4. Swadharmaning Klian Sekaa :
- Ha. Nyanggra pangandikan Bendesa nganin indik pamargin wali manut dresta
- Na. Ngenterang karma (anggotannyane) rikala ngaturang ayah-ayahan , mangdannya swadarmaning sekaa memargi antar, sakinh ngawit ngantos puput.
- Ca. Ngamiletin paruman sane kawentenang olih bendesa utawi prajuru sewosan.
- Ra. Swa darmaning lianan , manut pararem.
5. Swa dharmaning Klian pekraman :
- Ha. Ngingkinang pamargin wali manut dresta kasarengin olih pakraman ngarep
- Na. Ngenterang para krama ngarep rikala ngamargiang swadharmannyane, utamania indik Parahyangan (Upakara,Upacara)
- Ca. Ngamiletin paruman sane kawentenang olih Bendesa utawi prajuru lianan
- Ra. Swadharma lianan manut pararem.
6. Swadharmaning Pawijian, luwire :
- Ha. Pinaka pengenter acara rikala : paruman, pamargin pamuspayan, saha acara lian sane kasaratang olih krama lan prajuru.
7. Swadharmaning Sukertan Desa, luwire :
- Ha. Ngicenin naya upaya, paridabdab, tatimbang, lokika, majeng ring Bendesa lan Prajuru, manawita wenten pariindikan sane durung prasida antuka nepasin.

- Na. Swadharma lianan manut paruman.
8. Swadharmaning Klian Banjar Suka Duhka, luwire :
- Ha. Ngenterang krama banjarnyane rikalaning wenten acara suka duhka.
- Na. Nyanggra bendesa rikala ngamargiang swadharma mangda antar.
- Ca. Nglimbakang/nyobiahang sakancan daging parum sane patut karauhang ring Krama banjar.
- Ra. Swadharma lianan manut paruman.
9. Swadharma kasinoman, luwire :
- Ha. Ngrauhang sewala patra saking bendesa majeng ring sane patut katiba.
- Na. Ngewantu prajuru rikala ngamargiang swadharma.
- Ca. Swadharma lianan manut paruman.
10. Prajuru sami mangdane sayaga nyanggra rikalaning wenten wali, utawi rikala wenten atithi sane ngrawuhin, minakadi mamasar, ngrawuhang manggala praja.
11. Prade prajuru iwang panglaksana keni pamidanda nikel ring kaiwangan krama, saha dados keraryanang manut pararem.

PAWOS 13

1. Dudonan Paduluan kabawos saing kutus (8), luire :
- Ha. Jero Kubayan 2, kiwa tengen.
- Na. Jero Bahu 2, kiwa tengen.
- Ca. Jero Singgukan 2, kiwa tengen.
- Ra. Jero Penakehan 2, kiwa tengen.

2. Ring sor Paduluan inucap wenten Panembelasan, inggih ipun krama Ulu Apad sane cacakan dane sadaweg munggah makrama ulu apad wenten ring teben paduluan, sane akehnyane 8 (Kutus) diri.
3. Ring sor panembelasan wenten plekutusan, sane akehnyane 2 (kalih) diri.
4. Krama Ulu Apad sane pinih unkur munggah makrama, sinanggeh Pideran, 2 diri.
5. Swadharma krama ulu apad manut dresta.
6. Tata cara ngadegang Paduluan manut dresta, saking teben kadulu lantasi.
7. Krama Ulu apad sane ceda angga rikala jagi munggah ring paduluan mangda kabawo-sang ring paruman.

PAWOS 14

1. Patias lan olih-olihan lan Dulun Desa lan *Prajuru* luire :

Ha. Luput Rerampen (papeson), minakadi : beluu, gesing,saang.

Na. Paduluan lan Prajuru polih pahan sowang-sowang 30% satunggil pangranjangan ring Desa Pakraman minakadi : sarin canang, ganti rugi PKD(30 % *saking* 15 % X *akeh Ganti rugi*), Panukun Tirta miwah sane lianan.

Ca. Polih Tanding tengah (krama polih kawes 1, prajuru polih 2)

Ra. Rikala krama ngawentenang upacara tur nunas upasaksi ring prajuru lan paduluan. patut krama punika ngaturang karangan gibungan katikan 12 (roras) majeng prajuru lan paduluan sane kaulemin.

Ka. Patias lianan manut pararem.

2. Prajuru kagentosin :

Ha. Satunggil 5 warsa.

Na. Yan prade nyada.

Ca. Wit saking pinunas ngraga manawita wenten sane mabuat.

Ra. Kawusanang dwaning ipun iwang pamargi, manawi nilar sesana.

Ka. Nganorayang, ngusanang miwah ngentosin prajuru lan dulun desa patut ring sajeroning paruman, tur kaingkupin antuk krama desa.

3. Dulun Desa lad, kawusanang, kagentosin riantuk :

Ha. Okan dare telas mapikuren.

Na. Silih tunggil putunnyaane sampun mapikuren.

Ca. Rabinnyaane lina.

Ra. Prade malaksana asta dusta tur nilar sesana saha parindikan lianan manut pararem.

Palet 3

INDIK KULKUL

Pawos 15

1. Kukul ring Desa luire :

Ha. Kukul Desa, wenten ring sowang-sowang Pura Desa.

Na. Kukul Banjar, wenten ring sowang-sowang Bale banjar.

2. Tabuh tetepakan kukul desa :

Ha. Kalih tuludan lamban, tengeran tedun gayah utawi parum.

Na. Atuludan bulus, tengeran kapanca bhaya.

Ca. Limang kelentungan lamban tengeran patedunan wangde.

Ra. Atuludan lamban, tengeran pawiwahan *Kukul ring sowang-sowang banjar*.

Ka. Tengeran kalayu sekaran/kapademan :
- 3 tuludan lamban mitauang lan nedunang krama.

Pawos, 16.

1. Kukul Desa utawi Kukul Banjar tan wenang katepak yening tan sangkaning pituduh Prajuru Desa, utawi Prajuru Banjar sajawaning tengeran Kapanca Bhaya.
2. Sang nepak tan sangkaning pituduh patut digelis atur supeksa maka tatujon panepake, yan tan sapunika, patut sang mamurug kadanda manut pararem.

Palet 4.

INDIK PARUMAN.

Pawos 17.

1. Paruman utawi sangkepan ring Desa Pakraman Kintamani wenten :

Ha. *Nyangkep* Krama Ulu Apad kawntenang rikala :

- 1). Nyabran rahina Anggara Kasih tan malarapan arah-arah saha macihna antuk suara kukul.
- 2). Nyabran Rahina Purnama Tilem, nyangkepang ring Bale Agung. nganggen piranti upakara manut dresta.
- 3). Prade purnama lan tilem punika nuju rahina Soma *lan Sukra*. pasangkepan kamargiang ngamayangin(arahina sesampunnyane).
- 4). Pasangkepan Wrhaspati Kliwon, wantah galah Krama Ulu Apad maosang pariindikan ring Krama Ulu Apad.

- 5). Paruman Ageng/Sabha desa Pakraman nuju rahina Umanis Galungan
- 6). Paruman *padgata* kala majalaran arah-arah saha matengeran suaran kulkul

Na. Paruman Prajuru lan Paduluan kawentenang manut wiguna.

Ca. Paruman sekaa-sekaa manut babuat.

2. Paruman Desa utawi banjar madudonan sekadi ring sor :

Ha. Prasida lumaksana risampun katedunain antuk sang patut ngamiletin. kamanggala antuk suaran kulkul, miwah mabusana adat, saha tan kalugra makta gegawan sakaluir.

Na. Tan Maren ngarcana Ida Hyang Bhagawabn Panyarikan masrana antuk WidhiWidhana Cane.

Ca. Tan kalugra ngamedalang bebawos gora utawi byuta, yan wenten keni pamidanda pacamil kadi dandaning nguman-uman ring sabha.

Ra. Maka sarana jagi ngawitin kalaksanayang pangesepe saha ri wusania kajinjung sane tan rawuh keni dedosan manut pararem.

Ka. Pamutus babawos mangda briuk sapanggul (ingkup), punika kamanggehang.

3. Prade pidaging paruman tan kacumpuin, mangda prajuru Desa utawi prajuru Banjar ngilikang babawos, saha putusan mangda kararemang antuk Krama Desa utawi Krama Banjar , bilih prade tan prasida kasungkemin jantos ping tiga, Prajuru Desa utawi Prajuru Banjar wenang nunas tatimbang ring Kerta Desa manut undagan luire: kamangge paingkupan prajuru, ngeraris panglingsir, panguntat paruman.

Pawos 18

1. Sajeroning paruman Desa , bendesa Pakraman patut nyobiahang pamargi ngenterang Desa pamekas ngenenin indik :

Ha. Munjuk lungsuring pakraman saha ayah-ayah, sulur arta brana, druwen desa.

Na. Pidabdab prajuru ngenenin usaha desa kapungkur.

2. Pamutus paruman desa sinangguh pararem, maka pamitegep pamargin awig-awig.

Pawos 19.

1. Sangkepan prajuru Desa ngawedarang rarincikan usaha desa kapungkur.
2. Sangkepan prajuru Desa utawi Paduluan tan kawenang ngwedalang tategenan ring karma sadereng kaingkupin antuk krama desa.
3. Pamutus sangkepan prajuru utawi dulun desa ngewetuang paswara, maka daging pituduh Sang ngawe wenang utawi ngonekang pecak pararem krama desa.

Palet 5

INDIK DRUWEN DESA

Pawos 20

1. Druwen Desa Pakraman Kintamani sekadi ring sor :

Ha. Kahyangan Desa, luire :

- | | |
|---------------------------------|-----------------------------------|
| 1). Pura Bale Agung | 12. Pura Kaa |
| 2). Pura Puseh | 13. Pura Daa Tua |
| 3). Pura Dalem + Raja Pati | 14. Pura Puseh Kangin (Padangudu) |
| 4). Pura Dalem Pingit | 15. Pura Taruna |
| 5). Pura Pasar Agung (Tenten) | 16. Pura Puseh Belibu |
| 6). Pura Manik Asta Gina | 17. Pura Metelan |
| 7). Pura Panginuh-inih | 18. Pura Puseh Gunung Kunyit |

- | | |
|---------------------------|----------------------------|
| 8). Pura Bhujangga | 19. Pura SangHyang |
| 9). Pura Bhujanggkang | 20. Pura Samburning |
| 10). Pura Bangun Sakti | 21. Pura Panyarikan |
| 11). Pura Bukit Paninjoan | 22. Pura Melanting |
| | 23. Pura Beji/Kayehan desa |

Na. Wantian/Bale Desa Kintamani.

Ca. Tanah Laba Pura Puseh Belibu	Hektar.
Ra. Tanah Laba Pura Puseh Gunung Kunyit	Hektar.
Ka. Tanah Laba Pura Puseh	Hektar.
Da. Tanah Laba Pura Bale Agung	Hektar.
Ta. Tanah Laba Pura Dalem	Hektar.
Sa. Tanah Laba Pura Tenten.	Hektar.
Wa. Tanah Pakarangan Desa (PKD	Hektar.
La. Tanah AYDS	Hektar.
Ma. Tanah Druwen DesaHektar.
Ga. Tanah Genah Ngemargiang Gowak-gowakan	Hektar.
Ba. Setra-setra luire :		
1). Setra Sebun Pulet	Hektar.
2). Setra Gede/Panyorogan	Hektar.
3). Setra Alit	Hektar.

Nga. Tanah Desa sewosan.

Pa. Gong Abarung.

Ja. Lembaga Perkreditan Desa (LPD).

Ya. Pasar Desa

Nya. Lelanguan, minakadi tatabuhan lan ilen-ilen padruwen Desa, luire :

- 1). Sekaa Gong
 - 2). Sekaa Baris (Baris Gede, Prisi, Omang, Jojor,)
 - 3). Sekaa Rejang (Rejang Adat lan Rejang Dewa).
 - 4). Sekaa Pasantaian.
 - 5). Sekaa Pacalang.
 - 6). Sekaa Ebat
 - 7). Sekaa Kemit.
 - 8). Sekaa Pangampel/Melaga
2. Olih-olihan Desa Pakraman Kintamani luire :
- Ha. Olih-olihan saking Laba Pura, PKD, Druwen Desa, AYDS, miwah sapanungilania, Manut pararem.
- Na. Urunan krama Desa Pakraman.
- Ca. Paica saking Guru Wisesa.
- Ra. Pangrauhan saking Pasar Desa
- Ka. Panukun Tirtha ring Kahyangan.
- Da. Presentase Ganti rugi PKD, Druwen Desa miwah sapanungilania.
- Ta. Panuku Parebuan.
- Sa. Punia sewosan sane patut.

Pawos 21

1. Prajuru Desa patut ngetangang sahananing Druwen Desa.
2. Pikolih Druwen Desa kaanggen prabia piodalan saha wewangunan ring desa saha anggen babuatan desa pakraman.
3. Nyabran pasangkepan desa, prajuru desa ngwentenang pariindik munjuk lungsuring padruwen desa ring krama desa.
4. Sakaluir druwen desa patut wenten ilikitania.

5. Tan kalugra ngadol, ngesahang, nyepih padruwen desa yan tan kasungkemin antuk krama desa malarapan paruman.
6. Ganti rugi, Nyepih druwen desa lan sapanunggalania mangda kapucukang ring krama desa Kintamani, bilih-bilih sane durung madruwe pekarangan *tur manut daging pararem*
7. Yan wenten krama tamiu nyepih, nganti rugi druwen desa *lan numbas genah*, mangda sareng ngayah makrama.

Palet 6

Indik Panyanggra Banjar

Pawos 22

Krama Desa rikala ngawentenang karya suka duka, patut kasanggra antuk banjar, luire :

- Ha. Prade ngwangun Panca Yadnya , manut pinunas sang Yajamaña (sang Mayadnya).
- Na. Pangrombo utawi gotong royong krama, manut daging pararem.
- Ca. Indik panguingu sakasidan, manut pararem.



CATUR TA SARGAH/

570

4

CATUR TAS SARGAIH SUKERTA TATA AGAMA

Palet 1

Indik Dewa Yadnya

Pawos 23

I. Palinggih Panyiwian sawidangan Desa Pakraman Kintamani, luire :

Ha. Kahyangan Desa, luire :

- | | |
|---------------------------------|------------------------------------|
| 1). Pura Bale Agung | 12. Pura Kaa |
| 2). Pura Puseh | 13. Pura Daha Tua |
| 3). Pura Dalem + Raja Pati | 14. Pura Puseh kangin (Padang udu) |
| 4). Pura Dalem Pingit | 15. Pura Taruna |
| 5). Pura Pasar Agung (Tanten) | 16. Pura Puseh Belibu |
| 6). Pura Manik Asta Gina | 17. Pura Metelan |
| 7). Pura Panginih-inih | 18. Pura Puseh Gunung Kunyit |
| 8). Pura Bhujangga | 19. Pura Sang Hyang |
| 9). Pura Bhujanggkang | 20. Pura Samburning |
| 10). Pura Bangun Sakti | 21. Pura Panyarikan |
| 11). Pura Bukit Paninjoan | 22. Pura Melanting |
| | 23. Pura Beji (Kayehan desa) |

Na. Kahyangan ring sowang-sowang Banjar.

2. Piodalan utawi wali ring

.....

**

2. Piodalan utawi wali ring Kahyangan Desa, kadi ring sor :
- Ha. Sasih Kasa Piodalan ring Pura Puseh kangin/Padang Udu lan Pura Daha Tua/Kadatuan.
- Na. Sasih Katiga Piodalan ring Pura Puseh Desa lan Pura Panginih-inih.
- Ca. Sasih Kapat Piodalan ring Pura Pucak Panulisan. Ida Bathara ring Pasar Agung ngalunganin ka Pucak Panulisan
- Ra. Sasih Kalima Piodalan ring Pura Pasar Agung (Tenten) lan Pura Paninjoan, Pura Manik Asta Gina .
- Ka. Sasih Kenem Piodalan ring Pura : Bhujangga, Panyarikan lan Pura Taruna.
- Da. Sasih Kapitu/Purnamaning kapitu Piodalan ring Pura Dalem Gede lan Rajapati
- Ta. Tilem Kapitu ngamargiang Upacara Bhuta yadnya (Masegeh) ring Pempatan Desa
- Sa. Tilem Kawolu ngamargiang Upacara Bhuta Yadnya (Macaru) ring Pempatan desa lan ring Tegal Suci.
- Wa. Sasih kasanga Piodalan ring Pura Dalem Pingit, sane kabawos mosa nangken Amasa lan Mogha yan prade ngentosin Palinggih manut Dresta.
Wali Puniki kariinin antuk :
1. Majaga/majagra rikala Purnamaning kasanga/Manut sengker desa.
 2. Ngliwon apisan ring Bale Pegat.
 3. Ngliwon Ping Kalih ring Bale Pegat.
- La. Sasih Kadasa Piodalan ring Patirtan Kayoan Desa, Nyelamping, Ngewiji, Ida Bathara tedun Kabeh ring Pura Bale Agung.
- Ma. Sasih Jyestha Piodalan ring Pura Puseh Belibu lan Pura Metelan.
- Ga. Sasih Sadha Piodalan ring Pura Puseh Gunung Kunyit.

- Ba. Anggara Kliwon Julungwangi piodalan ring Pura Bujangkang.
 Nga. Sukra Kliwon Sungsang (Sugih Manik Bali) piodalan ring Pura Bangun Sakti.
 Pa. Budha Wage Klawu Piodalan ring Pura Melanting.
 Ja. Budha Kliwon Matal piodalan ring Pura Kaa.
3. Pangaci ring Kahyangan inucap manut Dresta lan Sastra Agama, saha kalaksanayang nista, madya utama manut daging pararem.
4. Piodalan ring Sowang-sowang Pura Banjar manut kadi sane kasungkemin ring Banjar.

Pawos 24

Indik Ngadegang Pamangku

1. Ring Desa Pakraman Kintamani kangkat ngadegang pamangku ring sowang-sowang banjar utawi sowang-sowang Dadya
2. Ngadegang Pamangku inucap manut dudonan :
- Ha. Nyanjan utawi nuwur ring Pura, *ring dadia*, ring balian lan sapanunggalania.
 Na. Kacatri utawi pilihan saking krama.
 Ca. Turunan utawi ngwaris.
3. Tan kawenang kaannggen pamangku, luire :
- Ha. Ceda angga, minakadi : Peceng, Perot, Cungih lan sapanunggalania.
 Na. Sang sapasira ugi sane tan kapatutang manut pararem.
 Ca. Sungkan Ila, ayan, buduh wiadin edan.
 Ra. Sane madrebe kasucian urip tan becik.
4. Prabea Kapamangkuan :
- Ha. Madiksa Widhi (Ngawintenin) kamedalin saha kalaksanayang antuk sang

ngadegang , makadi krama Banjar.

5. Pamangku inucap patut ngamanggehang sesana kapamangkuan, luire : tan ajajuden. miwah sane siosan.
6. Rikala pamangku inucap seda sakantun ngemban swadharmania, polih pacatu saking banjar utawi krama dadya Manut pararem.

Pawos 25

Swadharmaning Pamangku

1. Swadharmaning Pamangku luire :

Ha. Ngenterang paridabdab rikala krama banjar utawi krama dadya ngemargiang Upacara

Na. Ngabih Paduluan rikala ngamargiang swadharma, manut pituduh paduluan.

Ca. Tan kawenang salab sulub, yan mamurug wenang pamangku inucap nyepuh angga.

Ra. Samalih yan sampun pamangku ngayah tigang rahina ring pura kancit wenten kulawargania utawi pisagania lan pangarep lina, pamangku inucap tan keneng cuntaka, sakewanten pamangku punika tan budal selami piodalan.

2. Petias utawi olih-olihan Pamangku luire :

Ha. Panyolasan saking sarin canang 20 %

Na. Luput Rerampen utawi papeson, urunan keni sekadi patut.

Ca. Luput ayah-ayahan.

Pawos, 26.

Pawos 26

Ngentosin Pamangku

1. Pamangku kagentosin riantuk

Ha. Lina

Na. Pinunas ngeraga, manawi kageringan lan sapanunggilania.

Ca. Kawusanang antuk krama manawi nilar sesana (asta Dusta).

2. Prade pamangku kawusanang sangkaning malaksana asta dusta, keni pamidanda manut Pararem, saha ngwaliang prabea pawintenan pecak

Pawos 27

Kasukertan Kahyangan Lan Nunas Tirtha

1. Sane nenten kalugra ngranjing ka pura luire :

Ha. Sang katiba cuntaka, makadi sebel ngeraga :

1. Sebel kandel, ngeraja sewala, selami dereng mabersih.

2. Sebel madruwe putra, sajeroning 42 rahina, kruron.

3. Sebel pangantenan, sadereng mabiakala/naur parebuan lan nunas tirtha Parebuan.

4. Cuntaka sangkaning kalayusekaran manut senger.

Na. Sang Patita utawi babinjat.

Ca. Makta sahananing sane kasinanggeh ngaletchin.

Ra. Wawalungan suku pat, sejawaning ritatkala mapapada.

Ka. Mabusana sane tan manut kadi tata caraning ngranjing ka pura.

Da. Anak alit sadereng mayusa tigang sasih.

Ta. Sadereng polih wak-wakan (pituduh) prajuru desa pakraman.

2. Busana ngranjing ka pura wenang nganutin dresta minakadi :

- Ha. Ritakala ngaturang ayah, mawastra lan nylempot.
- Na. Rikala ngaturang sembah, mabusana jangkep.
- Ca. Siosan kadi ring ajeng nenten kalugra, sajawaning sampun pituduh prajuru.
3. Parilaksana sane tan kawenang ring pura, luire :
- Ha. Mabawos sane kasinanggeh wak parusya, wak capala.
- Na. Makoratan/mabacin, mawarih, masanggama.
- Ca. Ngias raga sajawaning pandita, pinandita lan pragina.
- Ra. Mungguh tedun palinggih sajawaning pituduh prajuru.
4. Sang mamurug kadi kecaping ring ajeng keni pamidanda manut pararem.
5. Prade wenten krama nangun yadnya patut nunas tirtha pamutus ring Pura Bhujangga, lan Pura lianan manut pangarsan.
6. Tata cara panunasan tirtha kadi ring sor :
- Ha. Sane kangkat nguningayang lan nunasang wantah Paduluan.
- Na. Nangken nunas tirtha keni panukun tirtha akeh nyane manut pararem.
- Ca. Sang nunas tirtha mangda atur supeksa ring prajuru/paduluan.
- Ra. Pidabdab panunasan tirtha olih krama tamiu, luire :
- 1). Nunas tirtha kaanggen ring pagubugania, kenipanuku mapangarga 10 kg beras.
 - 2). Nunas tirtha kaanggen ring Panti /Padadyan, keni panuku mapangarga 10 kg beras.
 - 3). Nunas tirtha kaangen ring Desania, keni panuku mapangarga 5 kg beras
 - 4). Sesari lan pangolem mangda kasayagayang olih sang nunas tirtha.
- Ka. Pidabdab nunas tirtha Parebuan, luire :

- 1). Kauningayang olih paduluan, sasampune puput papradangan.
 - 2). Sang awiwaha yan lanangnia saking Desa Pakraman Kintamani, keni panuku Utawi bakatan mapangarga *8 kg beras*.
 - 3). Sane ngambil saking dura desa, jinah bakatan mapangarga *50 kg beras*.
- 7.. Jinah panukun tirtha 20% katiba ring sang nguningayang, 40% ngranjing ring Juru Raksa Desa Pakraman, 40% ngranjing ring Juru Raksa Desa Ulu Apad.

Pawos 28

1. Yan wenten jadma karawuhan ring pura kengin patut kapintonin, prade rumasa kasumangsayan, yan tan wiakti patut kasisipang manut pararem.
2. Prade kahyangan kahanan durmanggala, minakadi kapanca bhaya, paduluan patut di-gelis nyadokang ring prajuru mangda marumang prajuru tur ngawentenang upacara sapatutnyane.
3. Sane kalugra munggah tedun ring pamaruman, luire :
 - Ha. Padulwan, Desa Ulu Apad, Sayan Desa, Prajuru Desa. Truna –truni lan pemangku yan sampun pituduh saking padulwan.
 - Na. Krama sane sampun nyada tan kangkat munggah tedun ring pamaruman lan palinggih-palinggih.
 - Ca. Sang mamurug keni pamidanda manut pararem.
4. Krama sane jagi muspa tan kangkat ngranjingn saking candi kurung, cangapit, miwah margi lianan sane tan kalugra olih prajuru, sajabaning rikala ngiring ida Bathara.
5. Paduluan rikala ngwangsuh Pralingga Bathara saking Pamaruman.
6. Paduluan rikala ngenterang bhakti saking genah pangastawaan.

Palet. 2.

Palet 2

Indik Resi Yadnya

1. Sang pacang madeg Pandita (Sulinggih) lan Pinandita (Pamangku) minakadi Balian sonteng, Paduluan, Pamangku dalang, Mangku Dadya lan sapanunggalania patut masadok ring prajuru desa lan PHDI.
2. Prajuru Desa patut nitenin tur wenang ngalangin prade wenten kacihna lempas ring kecap miwah dresta, tur sareng nyaksinin upacara saha nyobiahang ring paruman desa tegep rauhing wates kawenangan pangenter yadnya.
3. Krama desa patut ngaturang ayah rikala ngadegang miwah panglepas Paduluan riwekas katuntun olih prajuru.
4. Krama Ulu apad sane jagi munggah ring paduluan sajawaning jero bayan katelahin antuk upacara marebu, olih dane jero Kubayan magenah ring Pura Taruna.
5. Jero bahu sane jagi munggah dados jero Kubayan katelahin antuk upacara Maklaci ring Pura Bale Agung
6. Prabia ngadegang paduluan saking krama desa.
7. Pamargin Maklaci lan marebu manut dresta,
8. Pprabia Piuning lan upakara ring sowang-sowang pagubugan kamedalang olih sang sane madeg paduluan.
9. Pamargin upacara inucap mangda kaupasaksi olih krama desa .

Pawos 30

1. Paduluan patut ngariinang ngayunin utawi ngokasang Bhkatin Desa, wawu kangkat ngokasang bhkati ring krama pinguntat krama tamiu.

၁၅၃

၅၆

2. Krama desa sami patut nitenin katuntun antuk prajuru, mangda sahanan yadnya sane kawentenang kamargiang olih paduluan, Pamangku lan Sulinggih manut kawenangan sowang-sowang.

Palet 3

Indik Pitra Yadnya

Pawos 31

1. Pamendeman manut Dresta:
 - Ha. Rikala mendem sawa mangda maulu kauh, utawi manut bhisama laluhur/kawitan
 - Na. Sane lanang malingeb, maka simbul akasa.
 - Ca. Sane istri nengadah, maka simbul perthiwi.
2. Rikala jagi ngamargiang pitra yadnya (pamendeman), krama patut masadok ring Bendesa, bendesa ngicenin tatimbang, tur niwakang dewasa.
3. Geginan setra ring desa Pakraman Kintamani, luire :
 - Ha. Setra alit, genah mendem sawa anak alit sane durung maketus.
 - Na. Setra sebun Pulet genah mendem sawa sane :
 - 1). Ceda, Bangsel, berung.
 - 2.) .Padem sadelod setra (Dura desa, Wana sari, Wana Prasta).
 - Ca. Setra Panyorogan genah mendem sawa sane :
 - 1). Seda wit saking ulah pati lan salah pati.
 - 2). Tan ngetang saking baler utawi saking delod desa.
 - Ra. Setra Gede genah mendem sawa sane :
 - 1). Tulus tan paseda..

2). Sang padem polih ngemban swadharmaning paduluan,
kapemangkuan, Prajuru

Ka. Krama sane magenah ring pantaraning Setra Sebun Pullet lan Setra Gede,
rikala mendem mangda ring Setra Sebun Pulet, sajawaning padem salah
pati utawi ulah pati.

4. Krama sane padem ring dura desa pamargi pamendeman kadi ring sor :

Ha. Sawane dados bakta budal yening desane tan wenten kekeran, nanging
mangda nyaronin ring Pempatan Desa

Na. Tan kangkat kabakta budal prade desane ngeker.

Ca. Sane murug awig –awig puniki keni pamidanda manut pararem.

5. Krama sane padem sangkaning salah pati lan ulah pati pateh ring mati bener.
sakewanten rikala jagi mendem pidabdabe kadi ring sor :

Ha. Ring genahe padem mangda kaulapin antuk bakti manut sima lan agama.

Na. Eteh-ete pateh ring mati bener.

Ca. Kawewehin bakti pagiri patian.

6. Pamendeman sawa sane makingsan pamargine ngrereh surup surya, utawi manut
paniwak saking bendesa.

7. Yan wenten padem rikala nyepi desa pamargine kadi ring sor :

Ha. Yening sawane wenten ring dura desa utawi rumah sakit , mangda
kagenahang riin ring genahe padem, utawi kabakta budal, pamendeman
ngantos mangda ngembak nyepi.

Na. Yening sawane wenten ring desa, pamendeman taler ngantos ngembak
nyepi.

8. Kalayu sekaran rikala wenten wali pamargine kadi ring sor :

Ha. Sawane tan dados kainepang.

Na. Pamargine kadi makingsan.

Ca. Tan polih panyanggran banjar.

Ra. Tan kangkat nepak kulkul.

9. Sang padem ring desa Kintamani nanging tan wenten sane matutang pamargine kadi ring sor :

Ha. Sawane kaserahang ring nayaka praja (Kepolisian utawi Jawatan Sosial).

Na. Desane makarya bakti panyakaskara.

10. Krama sane maduwe kulawarga padem ring Desa Pakraman Kintamani, nanging tan kakuub, pamargine kadi ring sor:

Ha. Keni panebas setra 500 Kg Beras.

Na. Sane *maderbe* kapademan patut mahayu desa amanca sata ring pempatan desa.

11. Yan wenten krama padem ring Parahyangan/genah Suci, pidabdabe kadi ring sor :

Ha. Rikala ngamedalang sawa Pamargine tan dados saking Candi.

Na. Sawane kabersihin ring setra.

Ca. Kulawargania keni pamidanda pamahayu kahyangan manut pararem.

12. Krama sane tan pawaris, yening padem pidabdabe kadi ring sor :

Ha. Pula palin pitra yadnya kaambil olih banjar utawi desa, jantos pangabenan.

Na. Prade wenten guna kayanipun dados druwe banjar utawi desa.

13. Krama tan dados makarya kuburan beton.

14. Yan wenten anak alit padem sadurung maketus, pamargine kadi ring sor :

Ha. Rikala mersihin nenten nganggen eteh-ete pabersihan kadi sang padem sampun maketus, wantah nganggen toya kumkuman

Na. Rikala ngusung sawa ka setra, nenten nganggen papaga, wantah kasingal

- Ca. Saking pegat angkiahhan tan dados kasirepang ring balene, mangda kasingal.
- Ra. Tan kangkat nginepang sawa anak alit, pamargine mendem tan ngetang padewasan.
- Ka. Tata cara pamendeman patch kadi anak kelih, nanging tan pa upacara.
15. Pidabdab Pangabenan, luire :
- Ha. Pangabenan kamargiang rikala sasih karo.
- Na. Padewasania katibakang olih Dane Bendesa.
- Ca. Ngaben dadakan kamargiang yadiastun nenten nemonin sasih karo, nanging dewasania rikala dewasa pangurugan (nenten ngrech dewasa lianan).
- Ra. Galah pangabenan massal utawi ring sowang-sowang banjar kamargiang manut pararem desa.
16. Tata cara Upacara pangabenan kamargiang manut sasuduk sang yajamana (Sang maduwe gawe), kangkat ngambil sakadi dresta/bea tanem utawi kadi Sastra Agama, nanging nenten mabakar.
17. Rikala wenten Pitra yadnya Massal polih pangromba saking sowang-sowang krama banten soroan suci asoroh , tan madaging ulam, akeh bhakti manut kawigunan, lan sowang-sowang sawa polih catu saking desa magung arta 1 karung beras
18. Yening ngawangun Pitra yadnya sajeroning awuku utawi ngantos galah pangurugan sowang-sowang sawa polih catu saking desa magung arta 1 karung beras, lan bhakti soroan suci tan maulam , 25 Soroh.

Pawos 32

Swadharmaning lan tetegenan krama prade wenten sinalih tunggil warga sane lina, luire :

1. Sang maduwe kalayusekaran patut :
 - Ha. Nyadokang ring Bendesa, utawi prajuru, tur nunas tatimbang indik kawentenania.
 - Na. Ngaturin krama banjar mangda ngrombo makarya eteh-ete sawa malarapan prajuru banjar, kadulurin antuk panyambrama sakasidan/manut pararem.

2. Swadharmaning banjar utawi desa :
 - Ha. Prajuru Desa utawi prajuru banjar maritatasang pamargin lan kawentenan sang maduwe kalayusekaran, napike pacang kapendem, makingsan, utawi kaabenang.
 - Na. Prajuru desa utawi prajuru banjar mangda nyuarayang kulkul manut dresta.
 - Ca. Panyanggran Banjar :
 - 1). Sowang-sowang krama banjar patut nedunang patus manut pararem .
 - 2). Ngrombo ngaryanin eteh-ete sawa lan upacara sajangkepnia.
 - 3). Krama banjar mangda ngater ka setra jantos pamendeman puput.

3. Tan kangkat nyekeh sawa langkungan ring 7 (pitung) rahina, tur salami sawane wenten ring pagubugan polih pagebagan manut paetangan klian banjar.

4. Tan kangkat nginebang bangbang.

5. Patedunan krama banjar rikala pangabenan, luire manut pararem banjar adat sowang-sowang.:

6. Sajawaning makingsan, tan kangkat mendem sawa rikala rahina :
 - Ha. Wuku was panganten

- Na. Semut sadulur
- Ca. Kala gotongan
- Ra. Larung Pagelaran.(Wrhaspati tanggal/pangelong ping 6).
- Ka. Gagak anungsung pati (Wrhaspati tanggal ping 9)
- Da. Ingkel wong.
- Ta. Rerahinan Jagat minakadi : Purnama, Tilem, Purwani, Kajeng Kliwon, Pasah, Budha Kliwon, Budha Wage, Tumpek, Anggara Kliwon, Saraswati, Redite Umanis Ukir.
- Sa. Carik Walangati (Pananggal ping 11).
- Wa. Dewasa kekeran manut dresta.
7. Prade anak wadon padem kantong ngadut manik, patut manike punika kamedalang, wawu kaprateka.
8. Yening paduluan utawi Pamangku sane lina pidabdabe kadi ring sor :
- Ha Pamangku sadurung kapendem mangda ngawaliang pawintenania.
- Na. Paduluan sane lina sadaweg kantong ngamargiang swadharmania, polih catu jinah saking Desa akehnyane mapangarga 50 Kg. beras.
9. Paduluan mangda ngamargiang bakti ngewaliang lakon rikalaning sampun lina nuju galah *pangabenan*, indik prabia ngeraga.

Pawos 33

Indik Kacuntakan

1. Sane kasinanggeh cuntaka sakadi ring sor :

- Ha. Cuntaka antuk lina.
- Na. Cuntaka antuk Ngraja sewala.
- Ca. Cuntaka antuk Ngembasang Putra.

- Ra. Cuntaka antuk Kruron.
- Ka. Cuntaka antuk Pawiwahan.
- Da. Cuntaka antuk
- Ta. Cuntaka antuk Gamia Gamana
- Sa. Cuntaka antuk Salah timpal
- Wa. Cuntaka antuk Mamiira Ngalang
- La. Cuntaka yening wenten anak istri ngembasang putra sadurung puput upacara Pabya kawonan parebwan saha widhiwidhana.

2. Sengker cuntaka manut kawentenania:

- Ha. Cuntaka sangkaning kalayu sekaran,
1. Cuntaka ring desa lud sasampune nampi tilem, ring banjar salami 3 rahina.
 2. Kulawarga pangarep/kapurusa cuntakania rawuh upacara macaru.
 3. Panumbak lan Pangapit cuntakania rawuh bakti Pangurugan.
- Na. Cuntaka sangkaning ngraja sewala, saking ngawit ngantos puput
- Ca. Cuntaka Ngembasang putra
1. Cuntakania 42 rahina (abulan pitung dina) ngawit saking embas Tos ngamargiang upacara Tutug Kambuhan, maprayascita (lang istri).
 2. Sane Istri polih mapuangkid 3 sasih (105 rahina).
 3. Sane magenah ring tunggal pakarangan cuntaka rauh kepus pungsed.
- Ra. Cuntaka sangkaning Kruron : 42 rahina (abulan pitung dina) sesampune ngemargiang prayascita, lanang istri.

- Ka. Cuntaka sangkaning pawiwahan, cuntakania sesampune mabiakaonan tur sampun nawur tur nunas tirtha parebwan.
- Da. Cuntaka sangkaning Gamia Gamana (Pianak ring Rerama), sameton tugelan : cuntakania ngantos sesampune kapalasang pamrayascita raga lan malik sumpah ring desa.
- Ta. Cuntaka sangkaning gamia gamana ngunggahin(kaponakan ring rerama). nyeburin (rerama ring kaponakan) sesampune mrayascita angga sarira tur ngeresi gana ring desa, tur kapalasang.
- Sa. Cuntaka Gamia Gamana (Ngambil pernah rerama dimisan). ical sesampune ngamargiang prayascita angga tur desa, nanging nenten kepalasang.
- Wa. Cuntaka sangkaning salah timpal, ical sesampune ngamargiang pamrayascita manut dresta utawi agama Hindu.
- La. Cuntaka anak istri ngembasang putra tan mabiakaonan, tan mawidhi widana tur tan wenten ngangkenin luire :
 1. Ngamargiang bakti Pakerang (awiwaha sareng Keris), utawi wenten sane
Ngangenin/meras.
 2. Ngamargiang pamrayascita desa manut pararem.
 3. Pamidanda ring ajeng tan keni ,yan sampun kasepekang.
- Ma. Cuntaka sangkaning
- Ga. Cuntaka sangkaning nyambut upacara pangabenan, saking ngawit mapiuning ring Kahyangan Tiga rauh puput mapapegat
- Ba. Tan keneng cuntaka luire :
 1. Sulinggih
 2. Paduluan rikala wenten Piodalan

PAWOS, 34.

Pawos 34

1. Pidabdab Pangabenan, luire :
 - Ha. Pangabenan kamargiang rikala sasih karo.
 - Na. Padewasania katibakang olih Dane Bendesa.
 - Ca. Ngaben dadakan kamargiang yadiastun nenten nemonin sasih karo, nanging dewania rikala dewasa pangurugan (nenten ngrereh dewasa lianan).
 - Ra. Galah pangabenan massal utawi ring sowang-sowang banjar kamargiang manut pararem desa

2. Tata cara Upacara pangabenan kamargiang manut sasuduk sang yajamana (Sang maduwe gawe), kangkat ngambil sakadi dresta/bea tanem utawi kadi Sastra Agama, nanging nenten mabakar.

Pawos 35

1. Peputusan Pangabenan manut kadi pararem ring sowang-sowang banjar.
2. Pangingu ring krama banjar sakasidan utawi manut pararem.

Palet 4

Indik Manusa Yadnya

Pawos 36

1. Manusa Yadnya inggih punika upacara-upacara dharmaning kauripan manusa, ngawit saking patemoning kama bang lan kama petak sajeroning garba ngantos lampus riwekas.
2. Upacara kadi ring ajeng madudonan sekadi ring sor :
 - Ha. Magedong-gedongan, sadaweg rarene kantun mayusa 6-7 bulan.

- Na. Duk rarene medal (Nyambutin).
 - Ca. Kepus Odel.
 - Ra. Roras rahina.
 - Ka. Tutug Kambuhan (42 Rahina).
 - Da. Tigang Sasih (105 rahina).
 - Ta. Pawetuan Otonan (6 sasih/210 rahina)
 - Sa. Ngempugin (Tumbuh Untu)
 - Wa. Makupak (Maketus)
 - La. Tutug Kelih (ngeraja sewala, ngeraja singa)
 - Ma. Matatah/mapandes.
 - Ga. Mawiwaha.
 - Ba. Mawinten.
3. Upacara inucap kamargiang nista, madia utama manut sastra agama lan catur dresta.

Palet 5

Indik Bhuta Yadnya

Pawos 37

1. Bhuta Yadnya inggih punika upacara-upacara marupa : biakala ring perthiwi, lan kahyangan , sarwa prani, saha upacara ring babutan.
2. Upacara pabiakala ring sarwa prani luire :
 - Ha. Ring Sarwa tumuwuh, rikala tumpek Pangatag (Saniscara Kliwon Wariga).
 - Na. Ring Sarwa ingon-ingon, rikala tunpek Kandang
 - Ca. Upacara Pakala-kalaan manusa manut wiguna kabaos pabiakala.
3. Upacara pabiakala ring perthiwi, kahyangan lan babhutan kawastanin macaru.

4. Pacaruan inucap ring ajeng nista, madya ,utama manut wiguna kadi ring sor :

- Ha. Eka sata
- Na. Panca Sata
- Ca. Tawur Agung
- Ra. Panca Sanak
- Ka. Resi Gana
- da. Panca Kelud

5. Sajawaning kadi ring ajeng, kawentenang upacara :

- Ha. Masaiban utawi yadnya sesa, nyabran ngrateng sadurung ngajeng.
- Na. Masapuh-sapuh rikala pacang ngemargiang wali ring pura.

Pawos 38

1. Nangken Ngewarsa ring desa Pakraman Kintamani kamargiang Bhuta Yadnya kadi ring sor :

- ha. Sasih kapitu, manut pawilangan sengker desa kamargiang upacara masegeh, ring pempatan (catus pata) masrana antuk banteng luh, bhakti manut dresta.
- Na. Sasih kawolu, manut pawilangan sengker desa ngamargiang upacara macaru :
 - 1). Ring catus pata nganggen banteng luh.
 - 2). Ring Tegal Suci nganggen Bawi.
 - 3). Bhakti manut dresta.

2. Nangken ngewarsa rikala Tileming sasih kasanga kamargiang Tawur Kasanga ring Desa, ngrupuk, maka cihna pacang mapag Panyepian Krama Hindu/Ngentosin Warsa Çaka.

3. Upacara Panyepian Hindu ring Desa Pakraman Kintamani majalaran antuk catur brata panyepian, luire :

- Ha. Amati geni : tan kengin maapi-api.
- Na. Amati Karya : :tan kengin nyambut karya.
- Ca. Amati Lelanguan : tan kengin maoneng-oneng, masuara gora lan sapanunggalania

Ra. Amati Lelungaa : tan kengin malancaran mrika-mriki.

4. Pabrataan inucap salami 24 jam, ngawit 06.00 semeng pananggal apisan sasih kadasa ngantos 06.00 benjangnyane (manut pangandikan PHDI).
5. Risampun nyepi benjangnyane kamargiang acata Sima Krama, saling ngaksama utaw Dharma Santi, pinaka cilna pangawit Içaka Warsa Anyar
6. Indik Nyepi Desa dudonania kadi ring sor :

Ha. Ngeker, ngawit Majaga, pidabdabe :

- 1). Tan himsa karma utawi tan mamati-mati sarwa maurip, bilih-bilih ring Sato suku 2 lan suku 4, sajawaning dharma Wighata.
- 2). Tan kangkat ngadol sarwa wewalungan, nanging numbas dados.
- 3). Dados Malelungaan, nanging tan dados mainepan.
- 4). Tan kangkat nginepang tamiu.
- 5). Prade macanang tan kangkat nganggen Adeng, Ulam.
- 6). Tan kangkat ngemargiang Kaklecan.
- 7). Krama desa dados matetampahan sesampune desane wusan nampah rikala mosa.

Na. Pabrataan Nyepi Desa :

- 1). Menging/Sipeng, arahina sesampun Mosa utawi Mogha:
 - Amati Geni
 - Amati Karya
 - Tan Himsa Karma
 - Tan dados mebaktaan

na

na

- Tan lunga kadura Desa

- Magowak-gowakan.

Kamargiang semeng sesampune nanceb sawen rawuh endag bintang.

2). Pangalihan saang:

- Tan kangkat ngebah taru idup.

- Saange kagenahang ring sisin sawen, kabakta budal sesampune endag bintang .


- Tan makarya sane mapaketan ring perthiwi.

- Magowak-gowakan.

3. Nyepiang Ibu Perthiwi:

- Tan makarya sane mapaketan ring perthiwi(Numbeg, nebuk).

4). Benjangnyane Ngembak Nyepi, sesampun ngabut sawen.



PANCAMA SARGAIL.

PANCAMA SARGAH
SUKERTA TATA PAWONGAN

Palet 1

Indik Pawiwahan

Pawos 39

1. Pawiwahan inggih punika patemoning purusa pradana malarapan panunggalan kayun suka citta, kadulurin antuk upasaksi sekala niskala.
2. Pamargin Pawiwahan luire :
 - Ha. Pepadikan, kamanggala antuk pakrunan/pepeinangan.
 - Na. Ngerorod, ngrangkat riin wawu kakrunayang.
 - Ca. Kasudhiwadaniang, yan prade pangambilane sios Agama.
3. Pidabdab sang pacang awiwaha patut :
 - Ha. Sampun manggeh daha truna (prasida nganutin Undang-undang Perkawinan).
 - Na. Sangkaning pada rena (tan kapaksa).
 - Ca. Kasudiwidaniang prade pangambilane sios agama.
4. Pamargin pawiwahan mangda anut ring Undang-undang perkawinan saking guru wises

Pawos 40

1. Pawiwahan sane kapatutang manut Dresta kadi ring sor :
 - Ha. Wenten pasaksi saking : Prajuru Banjar, Prajuru Desa sane patut ngilikitayang
 - Na. Sampun kamargiang pabiakala utawi mabhuta saksi.
 - Ca. Sampun Nunas Tirtha Parebuan

Ra. Kamargiang upacara widhi widana pinaka dewa saksi.

2. Parabian sane tan manut ring ajeng sinanggeh tan patut.

Pawos 41

Tata caraning parabian:

1. Sapasira ugi pacang ngewarangan pakulawargan patut masadok ring prajuru, selanturnya prajuru maritatas, manut tan manut parabiane.

2. Pamargin papadikan manut dudonan :

Ha. Pakrunan jantos ping tiga, saha sowang-sowang malarapan :

- 1). Kapertama masedek antuk canang.
- 2). Kaping kalih maminang/ngedih antuk canang lan sajeng.
- 3). Kaping tiga Papradangan, muputang bawos, nemuang prajuru, ngeles cacah jiwa, upakara manut dresta tur kasaksiang olih :
 - Reramannyane utawi wali
 - Klian banjar Adat lan Dinas
 - Bendesa
 - Jero Mekel

Na. Sadurung puput papradangan nenten kangkat naur, nunas tirtha parebuan ring Pura Puseh, risampun naur parebuan; kacihnayang antuk suaran kukul, yening ngarorod, parebuan katawur sasampune mapradang.

Ca. Dane Paduluan tan kangkat ngupasaksi sang awiwaha sadurung naur parebuan, rehning kantun cuntaka.

Ra. Papradangan/muputang bawos kamargiang pinih suwe 12 rahina saking pangambilan.

Ka. Risampun mapragat raris sang istri kaajak budal ring pakubon sang lanang.

saha kelanturang antuk pabyakalaan.

Da. Mangda puput tumus skala niskala, raris kulawarga purusa makta pejati ring mrajan wadone, pinaka papamit sang wadon.

3. Prade wenten krama tamiu awiwaha mengkeb ring desa Pakraman Kintamani sadurung mabiakala, keni pamidanda pamrayascita desa pangargania telung benang (75 kg) beras, katawur olih sang sane kadunungan.

4. Prade ngrorod utawi merangkat patut :

Ha. Reraman lanange ngawentenang pamalaku antuk duta saksi sakirangnia 2 diri.

Na. Pagenahan antene tan kengin ring pakubon sang lanang sadereng mabiakala.

5. Sajeroning pakrunan/panglukuan patut :

Ha. Kamanggala saking rerama purusa antuk geng pangampura majeng ring reraman Wadone.

Na. Kaigumang bawos indik-indik pakidih utawi palegayan arep ring pasewakan sang ngidih saha dewasa pakerab kambeyane wekas.

Ca. Kacihnayang indik kapurusa utawi prade sentana rajeg kajejerang kapatutang ngidih anak lanang sane kabawos pawiwahan nyeburin, tur risampun sulur pamerasan kategepin kemanggehang sentana nyeburin.

6. Pakerab kambean mapiteges upacara tinas apadang (puput) mapikuren, duaning manut sakadi ring sor :

Ha. Sajeroning kabawos ambe, kalaksanayang ring sekala niskala antuk sarana jejauman miwah pawidhi widana :

1). Jejauman pinaka ngambe/ngadukang kayun soang-soang pakulawargan wadone.

- 2).. Widhi widana pejati niskala nunas wadone ring mrajan kamulan ngeles cacak jiwa ring niskala, kaungghamg ring mrajan lanange.

Palet 2

Indik Nyapian

Pawos 42

1. Pawiwahan prasida kawusanang malarapan antuk palas marabian utawi kapademan.
2. Wusan mapikuren riantukan salah sinunggil lina , mapiteges balu, makadi balu lanangutawi balu istri.
3. Palas marabian inggih punika sangkaning mawiwit wicara.
4. Sang ayat palas marabian patut atur supeksa pailikitaan riin ring sang rumawos (Penga Dilan Negeri) wastu tinas apadang pamutuse kabawos nyapian, wawu prajuru lan paduluhan nyobiahang kawentenane ring krama desa saha keni pamidanda manut pararem.

Pawos 43

1. Tata cara palas marabian kadi ring sor :
 - Ha. Nawur prabea pasaksi sinalih tunggil sane nglapur/ngugat, mapiranti antuk bhakti *Pejati asoroh ring Bale pegat, jinah Bolong aketeng, kaencakin ring lesunge*
 - Na. Paguna kayaan polih pahan pada.
 - Ca. Pabekel, tadtadan sowang-sowang kakuasaang niri-niri, sakewanten indik warisan kakuasaang antuk purusa.

- Ra. Ngawuruhin miwah ngupajiwain pratisantana manut swadharmaning guru rupaka,
- Ka. Nawur pamidanda panepak kulkul manut pararem *ring banjar*.
- Da. Kadulurin antuk pamamit ring mrajan lanange, antuk bhakti apajatian.
2. Prade riwekas sang palas kacihna adung malih, patut :
- Ha. Ngemargiang pawiwahan malih.

Pawos 44

1. Sang balu kabinayang dados :
- Ha. Balu luh wit sentana (sentana rajeg), miwah balu luh boya sentana.
- Na. Balu muani kapurusa (wit sentana), miwah balu muani nyeburin (boya sentana Nyeburin).
2. Swadharman balu inucap patut :
- Ha. Ngemanggehang pati brata tan patut ngamargiang paradara/dratikrama.
- Na. Ngwasayang waris guna kaya, tan dados ngadol, ngadeang, makidihang lan siosan punika, sajawaning kabebasan saking pianak utawi kulawarga pinih tampek saking rabine prade okane kantong alit-alit.
- Ca. Kengin ngidih sentana prade wenten kacumpuin antuk kulawarga sinanggeh Kapurusa.
- Ra. Kawenangang awiwaha malih yan wenten kabebasan manut aksara ring ajeng.
3. Balu kaucap tan pageh sakadi ring sor :
- Ha. Drati karma utawi paradara.
- Na. Matilar saking pakubon tan pasadok jantoe 6(enem) sasih
- Ca. Lempas ring swadharma sewos-sewosan tan prasidha ngesehen solah maprewerti marep ring pituduh kaluwarga purusa.

Palet 3

Indik Sentana

Pawos 45

1. Sentana wenten kalih pawos, sane kaucap pratisentana miwah sentana peperasan.
2. Pratisentana inggih punika sentana sane metu saking pawiwahan kepatut.
3. Prade pawiwahan tan ngewetuang sentana kengin ngidih sentana antuk upasaksi sekala-niskala sane kawastanin ssentane peperasan.
4. Prada pawiwahan tan kapatut ngewetuang sentana, mangda tan kantun kawastanin Babinjat utawi astra patut kamanggala antuk panyangaskara antuk Parebuan
5. Sentana rajeg inggih punika pratisentana wadon (pradana) sane kamanggehang lanang (purusa) tur ri sampun ngalaksanayang pawiwahan nyeburin.
6. Sang sane kaarsayang sentana rajeg inucap wiwit (5) inggih punika:
 - Ha. Pratisentana wadon tunggal utawi silih sinunggil pratisentana wadon yaning makasami pratisentana wadon;
 - Na. Sampung kamanggehang dados pratisentana (purusa);
 - Ca. Kapimiwahan kaceburn, kautsahayang antuk jadmā sane maagama hindu utawi jadmā sane maagame siosan sane sampun ngalaksanayang pamarisuda raga utawi sudi wadani
 - Ra. Sane manggehang sentana rajeg patut mapasadok ring I prajuru banjar tur I klian banjar patut nyaring ring banjar saha ngaturang ring prajuru desa pakraman.

Pawos 46

1. Ngangkat sentana manut dudonan patut maka cihna artha brana pamerasan sane kasaksiang sekala niskala.
2. Sapa sira ugi krama pacang ngidih sentana patut masadok ring bendesa sanistane asasih sadurung pamerasan.
3. Bendesa kawakilin antuk klian banjar nyiarang ring sawidangan desa sang sapa siraugi rumaksa tan lila mangda masengker kalih wuku sadurung pamerasan masadok ringbendesa adat
4. Prajuru/dulu desa digelis maiosin saha ngicenin pamutus nepek ring catur dresta miwah pararem.
5. Prade sulur paperasan tan manut kecaping ajeng, prajuru/dulu desa wenang ngandeg sang pacang makarya, saha ngicenin pamutus mangda kapuputang riin bebaosan sulur utawi wicarannia.

Pawos 47

1. Paperasan sane kpatut ring desa ri sampun maka cihna :
 - Ha. Widi widhana pamerasan;
 - Na. Kasaksiang antuk prajuru Desa sane makelingin utawi ngilikitayang.
 - Ca. Kasiarang ring wewidangan desane.
2. Sane patut peras anggen sentana kadi ring sor :
 - Ha. Jatma maagama Hindu
 - Na. Kulawarga saking purusa, prade tan wenten kengin saking wadon, yening taler tan wenten wawu kengin sakama-kama (saking Kahyun).
 - Ca. Kautamayang saking waris pancer purusa.

- Ra. Sinalih tunggil mawiwit saking kulawarga tunggal sanggah utawi mrajan, paibon lan dadia, utawi ngambil anak tios sakewanten sang maagama hindu.
- Ka. Kengin ngangkat sentana langkung ring adiri, lanang utawi wadon.

Palet 4

Indik Warisan

Pawos 48

1. Warisan inggih punika artha brana saha ayah-ayahan ngupadi sukerta sekala niskala saking kaluhurannia arep ring turunania.
2. Karang sinanggeh warisan luire :
 - Ha. Due tengah, makadi tegal ayahan desa, kahyangan, pasuka siwa karana, lan sane tiosan.
 - Na. Pagunakayan, tadtadan/jiwa dana, hutang piutang.
3. Wawu kengin kabawos warisan prade wenten :
 - Ha. Sang mapiturun (Pewaris)
 - Na. Katurunan (Akhli Waris)
 - Ca. Artha Brana tetegenan (ayah-ayanan) maka cihna warisan.

Pawos. 49.

Pawos 49

1. Akhli waris, luire :

Ha. Pratisentana purusa

Na. Pratisentana (sentana rajeg)

Ca. Sentana paperasan (lanang utawi wadon)

2. Prade tan wenten sekadi ring ajeng kang sinanggeh ahli waris :

Ha. Turunan purusa pernah ngundagang makadi rerama lanang, pekak, selanturnia rerama misan, mindon.

Na. Turunan purusa pernah kesamping makadi kaponakan dimisan miwah mindon

3. Swadharmaning ahli waris patut :

Ha. Nerima saha ngutsahayang tetamian pahan kaluhurania, makadi ngempon Sanggah/mrajan, pura, saha pangupakarania miwah ayah-ayahan pawaris.

Na. Ngabenang pawaris saha nglanturang upacara-upacara pitra yadnya.

Ca. Naurin utang piutang pawaris manut pamglokika.

Pawos 50

15720

1709

Pawos 50

Mungging waris kawaris ring Desa Pakraman Kintamani, Luire :

1. Ri sampun kalaksanayang pitra yadnya lan hutang piutang pawaris buntas katawur, wawu warisane dados kaepah.
2. Para ahli waris sami polih pahan sangkaning pagunakaya, sajawaning karang/tegal ayahan Desa kaemong antuk ahli waris sane jagi nyeledii munggah krama Ulu Apad.
3. Sinalih tunggil ahli waris kengin tan polih pahan prade :
 - Ha. Nilar kawitan lan sesananing Agama
 - Na. Alpaka guru rupaka
 - Ca. Sentana rajeg kesah mawiwaha utawi pretisentana nyeburin soang-soangKabaos ninggal kadaton.
4. Boya ahli waris. kengin muponin hasil manut dudonan, luire :
 - Ha. Sentana luh 104uring 104uring kesah mawiwaha
 - Na. Balu luh wiadin muani nyeburin (soang-soang boya sentana)
5. Pawaris kengin maweweh ri kala maurip pinaka jiwa dana, tatadan/bekel, maka cihna paweweh tetep ring okane sane kesah mawiwaha.

Pawos, 51.

Pawos 51

1. Prade sajeroning pakulawargan wenten ahli waris langkungan ring adiri patut :
 - Ha. Kawentenang paigum indik pedum waris inucap
 - Na. Yan tan prasida katunasang tatimbang ringprajuru lan kerta desa.
 - Ca. Prade taler tan wenten cumpu ring panepes prajuru lan kerta desa, patut kadauhang lan katunasang ring sang rumaos (Pengadilan Negeri).

2. Prade karang inucap kaputungan, patut prajuru, paduluan desa nibakang ring :
 - Ha. Sang sinanggeh ahli waris manut pawos 50.
 - Na. Sang kengin anggen sentana manut pawos 54 (2) miwah (3).
 - Ca. Prade taler tan wenten cumpu ring panepes Prajuru lan kerta desa, kengin kautsahayang ring sang rumawos (Pengadilan Negeri).

3. Prade Jantos karang desa kepah utawi kasapih, patut sowang-sowang nedunin Makarama.

Sad Sargah.

SAD SARGAH
SUKERTA TATA PALEMEHAN
PALET 1
INDIK BHAYA

PAWOS 52

- 1 Pariindikan bhaya luire : jiwa bhaya, artha bhaya (kapandangan), dura cara ring Agama.
- 2 Sang manggihin kahanan jiwa bhaya, patut nepak kulkul bulus mapitulung manut pawos 15 (2) aksara na.
- 3 Prade ring desa kahanan jiwa bhaya, patut sang mayanin keni pamidanda mrayascita Desa tur Sang Mayanin katur ring sang ngawi wenang.
- 4 Prade wenten jatma mamisuh utawi nguman-uman jatma sios, kakenenin pamidanda beya pacamil manut pararem.

Pawos 53

- 1 Sang manggihin kahanan artha bhaya (kamalingan), patut ngulkul mapitulung manut ring pawos 15 (2) aksara na, utawi sang kamalingan atur supeksa ring prajuru, Paduluan sane pacang nandanin saha mawuwuh panyangaskara prade wenten jadma ngamaling barang sinanggeh suci.
- 2 Pratingkah mapailon ring dusta kabawos sasuron, utawi prade wenten jadma manggihin maling tan nyadokang ring prajuru jantos anak sios nyaduang, patut kadanda kadi dandaning maling, sakueh pangangan wit manut cacakan, tur prade jantos ping tiga malaksana asapunika wenang kasukserah ring sang ngawiwenang.

3. Prade wenten jadmā ngrereh reramon minakadi ron, saang tan pasadok ring sang nruwenang, prade kacunduk (ketara) patut kadanda kadi dandaning maling.
4. Yaning wenten jadmā ngranjing pakubon wiadin pakarangan rikala suwung, mawastu sang maduwe karang kaicalan, wenang jatma inucap katuwekang antuk madewa saksi ring Pura Bale Agung.
5. Mangda tan katuwekang manut ring ajeng, asing-asing ngranjing kubon jatma sios patut :
 - Ha. Matengeran suara (makaukan).
 - Na Nyantos sang nruwenang karang rauh, utawi masadok ring pangapit pinih nampek , maka buatan pangranjinge.
 - Ca. Pamedal karangnia kasawenin, maka cihna pangarah rikala suwung.

Palet 2

Indik Karang lan Tegal

Pawos 54

1. Krama desa pangemong karang ayahan desa, PKD, Druwen Desa, patut ngwatesin karang inucap antuk pagehan/tembok mangda pakantenannyane asri.
2. Wates sisi kaler miwah kengin patut kakaryanin antuk sang ngamong karang inucap, sane mawasta gegaleng ka luan, tanah padruwen ngraga sane kapiara watese sisi kelod miwah kauh, reh punika mawasta gegaleng ka teben.
3. Prade karasayang pagehan inucap nglikadin, yan pada arsa panyandinge, kengin watese ngangge pinget kewanten kasaksinin antuk prajuru desa utawi pacihna pal saking agraria.

Pawos 55

1. Sinalih tunggil krama desa /banjar tan kalugra :
 - Ha. Ngalah-alah margi, tegal ayahan desa, Karang Desa , druwen desa lianan.
 - Na. Ngalah-alah tegak kahyangan, setra sekancan tegak sinanggeh suci.
2. Prade wenten sekadi ring ajeng, sang nglahlah patut ngwaliang tanah inucap saha keni pamidanda manut pararem, saha kadulurin antuk upakara ring genah suci sane kalahlah.

Palet 3

Indik Pepayonan

Pawos 56

1. Ngawit nandur pepayonan,tanem tuwuh patut adepa agung ngajeronang saking wates,prade jantos ngeliwat wates wenang kasepat gantungin.
2. Yening pepayonan ngungkulin samliah mawastu mayanin ka pisaga patut kawara antuk paiguaman ping ajeng prasida sang nruwenang wit ngarabah utawi notor
3. Prada sampun kawara taler tan wnten usaha sang nruwenang wit,snag rumasa katetehan wenang masadok ring prajuru ,tur ri sampun kaparitatas kaluarga ngicalang wit inucap
4. Sang keni paminanda panyangskara saha prabeya manut pararem arep ring wawangunan sang karubuhin luire :
 - ha. Sang nruwenang wit sinanggeh mayunin prade pungkat ngrubuhin wewangngunan krama sios;

na. Sang notor munggul urtawi ngerebah taru tur ngrubuhin wewangunan
krama sios

5. Krama desa patut ngamanggehang kaerdian tanem twuh sane ngawinan desane asri tur lestari.

Palet 4

Indik wewalungan

Pawos 57

1. Sahana warga desa sane mamiare wewalungan (bawi risampun mabelas utawi banteng lan selantur ipun sampun masaluk tali) patut sayaga nitenin negul /ngelogor mangda tan ngrusakin krang utawi pabianan krama sios. bilih bilih jantos ngranjing ngeletehin khayangan.
2. Prade wenten wewalungan malumbar utawi ngeleb ngrusakin karang krama sios ri sampun kawara kengin kataban tur kadanda ngawaling wit sane karusak saha naur panebas papiaraan tetabanan manut panglokika prajuru Desa.
3. Prade ngantos ngeletehin tegak suci minakadi pamrajan , risampun kaparitas antuk prajuru wenang sang nruwenang kadanda mrayascita durmaggala utawi panca sata manut daging paruman.
4. Krama Desa patut nyerayanin wewalungan miwah sarwa prani , tan kapatutang maboros paksi miwah nuba ulam lan siosan punika.

Pawos. 58.

Palet 5 Indik Wewangunan

Pawos 58

1. Nyabran ngwangun patut :
 - Ha. Masadok ring prajuru, pingajeng prtade wewangunan nganinin wates.
 - Na. Ngangge asta bhumi miwah gagulak asta kosala-kosali, sanistane manut patitis niskala.
 - Ca. Tan nyayubin ka pisaga.

2. Prade wewangunan jantos nyayubin bilih bilih tembole ring telenging wates risampun kawawa tur kasadokang ring prajuru, wenang kedandha manut pararem, saha tembok inucap kagubar utawi sanistane mangda kekaryanang abangan.



SAPTAMA SARGAH.

1070

1116

SAPTAMAS SARGAH
WICARA LAN PAMIDANDA

Palet 1

Indik Wicara

Pawos 59

1. Sane wenang maosin makadi mutusang wicara ring desa inggih punika Prajuru Desa sinanggeh Kerta Desa :
 - Ha. Klian banjar/Klian tempek Prade sang mawicara patunggalan banjar/Tempek.
 - Na. Bendesa Pakraman prade sang mawicara sami-sami ring patunggalan Desa Pakraman.

2. Tata dudonan mawosin saha muputang wicara warga desa kadi ring sor :
 - Ha. Kaping ajeng kabawosin antuk Klian Banjar/Klian Tempek.
 - Na. Tan cumpu ring panepas Klian Banjar katunasang ring panglingsir Banjar.
 - Ca. Paruman Banjar tan kaanutin kengin nunasang ring Bendesa Pakraman.
 - Ra. Bendesa Pakraman tan mresidayang muputang katincepang ring Panglingsir Desa sinanggeh Kerta Desa.
 - Ka. Prade taler pamatut Kerta Desa tan kacumponin katunasang ring paruman Desa, sinanggeh wasananing pamuput ring Desa.

Pawos 60

1. Sahanan wicara mawiwit kacorahan sakaluire sinanggeh nungkasin daging awig-awig, pasuara, miwah pararem desa utawi pararem Banjar, Prajuru utawi Dulun desa patut digelis mawosin tan nyantos pasadok.

2. Sajaba wicara kadi ring ajeng, patut nyantosang pasadok sang nunas bawos.
3. Panepase patut pastika nyantenang iwang patut malarapan Tri Pramana (Saksi, Ilikita, Bhukti), miwah tan maren nepek ring catut Dresta.

Palet 2

Indik Pamidanda

Pawos 61

1. Desa utawi Banjar wenang niwakang pamidanda ring warga desa utawi warga banjar sane sisip.
2. Paniwak inucap kamargiang olih Bendesa, Klian Banjar/Klian Tempek lan Jero Mekel.
3. Bacakan Pamidanda luire :
 - Ha. Ayahan panukun kasisipan.
 - Na. Danda artha (Dosa, danda saha panikel paturunan).
 - Ca. Rerampagan.
 - Ra. Kadaut karang ayahania utawi kasepekan.
 - Ka. Penyangaskara.
 - Da. Kawaliang pipilnyane utawi kawusanang makrama.
4. Pamidanda sane katiwakang patut masor singgih manut ring kasisipan.
5. Jinah utawi raja brana pamidanda ngranjing dados druwe Desa
6. Krama sane tan satinut ring daging Pararem utawi Awig-awig, sadurung tigang pasangkepan kantun jagi kabawosin utawi kadabdabin olih prajuru, yening sampun ngantos tigang pasangkepan taler tan satinut wawu jagi katibakin pamidanda.

Pawos 62

1. Pamidanda jagi katibakang marep ring :

Ha. Krama sane langkung ring tigang Sangkepan (Anggara Kasih utawi Tumpek) nenten naur urunan Upacara utawi urunan Wangunan saking galah sane sampun kasungkemin antuk Paruman Prajuru,

Na. Krama sane ngenahin : Druwen Desa, Pekarangan Desa, Laba Pura, miwah sapanungilania yan prade nenten naur upeti/pajeg manut pararem ngantos tigang sangkepan saking galah sane sampun kawatesin antuk prajuru.

Ca. Krama sane nenten naur utang ring usaha sane kadruwe antuk Desa minakadi : LPD, Dana CBD miwah sapanungilania jagi katibakin pamidanda manut uger-uger LPD, uger-uger CBD lan uger-uger Usaha lianan (keni danda presentase), yening ngantos tigang sasih saking galah sane sampun kanikain antuk prajuru/petugas, wawu katibakin pamidanda saking Prajuru Desa Pakraman, Prajuru banjar lan Saking Jero Mekel.

Ra. Krama Ulu apad sane mararyan tan pa samandana,

Ka. Krama sane piwal/mamurug ring sakancan daging awig-awig lan sahananing daging putusan pararem Desa,

2. Pamidanda sane jagi katibakang olih Prajuru banjar utawi Prajuru desa marep ring krama sekadi ring ajeng inggih punika :


Ha. Nenten jagi kasanggra olih Paduluan sakancan pabuatnyane.

Na. Nenten jagi kasanggra olih Prajuru Desa sakancan pabuatnyane.

Ca. Nenten jagi kasanggra olih Prajuru banjar sakancan pabuatnyane.

Ra. Nenten jagi kasanggra olih Jero Mekel utawi staff dane sahananing pabwatnyane

3. Prajuru sane nyanggra pabuat krama sane piwal ring awig utawi daging pararem Desa/Pararem Banjar keni pamidanda patch ring krama sane kadandain.
4. Pamidanda puniki kakaryanin tur sampun kasungkemin olih Prajuru sami, Paduluan, saha Dane Jero Mekef, ngawit Tanggal 1 Januari 2007.
5. Pamidanda puniki kamargiang ngawit Tanggal 1 Januari 2007.
6. Yening wenten kaiwangan sajeroning Kaputusan puniki , jagi kawentenang pamatut malarapan antuk Pararem.



ASTAMA SARGAH.

ꦱꦠꦩꦩꦱꦫꦒꦲ

ꦱꦠꦩꦩꦱꦫꦒꦲ

ASTAMAS SARGAH NGUWAH-NGUWUHIN AWIG-AWIG

PAWOS 64

1. Nguwah nguwuhin Awig-awig Desa puniki kamargyang antuk paruman desa.
2. Paruman inucap mangda kadasarin antuk pakarsan krama desa pakraman yadiastun kamedalang antuk prajuru sinunggal wyadin sinarengan.
3. Awig-awig puniki kamargiaang ngawit kalengkupin (kararemin).

PAWOS 65

1. Sakaluring sane wenten saderengnia patut kaanutang ring sadaging awig-awig puniki.
2. Sakaluring sane during kabawos sajeroning awig-awig puniki patut kamargiang manut tata cara sane sampun ketah mamargi kadulurin antuk pararem-pararem.



NAMAWAS ASRGA:

KRA

RGA

NAMAWAS SARGAH.

SAMAPTA

PAWOS 66

1. Awig-awig puniki kawastanin Awig-Awig Desa Pakraman Kintamani.
2. Awig-awig puniki kamargyang ngawit kasungkemin ring paruman

PAWOS 67

1. Awig-awig puniki kasungkemin ring paruman duk rahina: Sukra Paing Dunggulan, Pinanggal ping 15, Sasih Kalima Içaka 1939, Tanggal Masehi 03/11/2017, ring Bale Desa Pakraman Kintamani.
2. Awig-awig puniki kalingga tanganin antuk Bendesa, kasarengin antuk Juru Tulis, Klian Banjar, Paduluan, kasaksiang antuk Klian Dusun miwah Perbekel Desa Kintamani. Kapikukuh olih Bupati Bangli.

3. Sang sane ngalingga tanganin :


Ha. Kapertama Prajuru utawi Dulun Desa :

1). Bendesa Pakraman Kintamani

2). Juru Tulis Awig Desa Pakraman



Jero Singgahan I Nyoman Sukadia



I Ketut Parma S.Pd.,M.Pd.

3). Juru Raksa



Ketut Sumartika.

4) Juru Tulis Awig Desa Pakraman



I Wayan Andi Wijaya.

5) Klian Banjar Sura Karma,



Ketut Sumartika.

6) Klian Banjar Wira Darma,



I Made Karsana

7) Klian Banjar Jaya Maruti.



Anak Agung Dalem.

8) Klian Banjar Wana Sari.



I Nyoman Kolma Java.

9) Klian Banjar Wana Giri,



I Wayan Karja.

10) Klian Banjar Wana Prastha



Jero Mangku I Ketut Sukarva.

11) Pasayahan Parahyangan,



Jero Panembelasan Wayan Rantia,

12) Pasayahan Pawongan,



I Made Karsana,

13. Pasahayan Palembang,,


I Nengah Rudia.

Na. Padulwan :


1) Kubayan Tengen,


Jero Kubayan Widya.

2). Kubayan Kiwa,


Jero Kubayan Sukadana.

3) Bahu Tengen


Jero Bahu Nawi.

4). Bahu Kiwa,


Jero Bahu Pasek.

5) Singgukan Tengen,


Jero Singgukan Armadi.

6) Singgukan Kiwa,


Jero Singgukan Nyoman Sukadia.

7) Penakehan Tengen,


Jero Penakehan Linda Sari.

8) Penakehan Kiwa,


Jero Penakehan Ketut Kardika.

Ca). Kasaksiang :

15/20

15/20